



07222

施愚山先生學餘詩集卷之三十三

五言律

送孫予立編修假歸省親

特達邀宸眷如何鄉夢頻  
庭濡翰客白髮倚闥親  
馬渡河水晚人歸江甸春  
早梅花欲放又見彩衣新

二

正向陵陽去經過濰水濤  
間關調餽意風雨對牀心  
旅病緣歸滅天寒恨別深  
前途吟興得殘葉尚楓林

三

鄉園依疊嶂城郭總山居  
冬饌燒林笋花時奉板輿  
家聲梧掖草舊業石倉書  
好待君王問寧教歲月虛

愚山先生詩集 卷三十三 五言律

一

四

邸居同坐卧老屋共經營  
夜月論詩醉春風接轡行  
關河還鼓角魚鳥自江城  
故舊憑傳語燕吳無限情

冬夜大風得好月和耦長

風鳴長不寐寒月入簾深  
戰地關山淚羈人午夜心  
流光明短榻清影憶園林  
殘髻看垂白無勞萬慮侵

梁檀子庶常歸奔父喪

歲暮客歸急冰天多晝陰  
寒增風木淚春感蓼莪心  
書帙存遺澤茅齋間舊林  
經過傍廬阜莫聽猿猿吟

二

尚有慈親健猶開老眼看  
趨庭常飲痛調饌勉承歡  
野

戍還吹角江洲剩講壇松楸須料理相望在長安

臘月十四夜憶內

夜月寒逾皎遙憐江上村老妻應望遠稚子強開樽薄  
宦仍燕市多年期鹿門來朝是初度莫漫有啼痕

已未京邸守歲同耦長用歡字

此夕長安好東風送臘寒衰寧勝柏酒頌已嬾椒盤家  
累緣官劇鄉心遇舊歡陶陶揀永夜猶作壯年看

二

爆竹頻年禁誰知歲節過事從爲客減債比住家多史  
館虛分席崖疆願止戈早朝聊假寐中夜有鳴珂

林澹亭丁雁水韜汝枉集小齋

特澹亭將出都

愚山先生詩集

卷三十三

五言律

二

虛齋延霽景隔巷好招尋共是苦吟客重兼岐路心憂  
時從髮短語別送杯深坐覺春陰換江湖興不禁

送王備五令永興

共舫憶江湖分襟野興孤聲名燕市客吏隱楚山隅僻  
地絃歌得高齋魚鳥俱他時憑驛使倘肯問潛夫

送鹿芝陽宰宜漳

不遠飛鳧地知君捧檄情山川紆楚塞風物總江城夢  
繞高堂切心涵二水清好令烽火後絃誦有遺聲

林祖夏自莆陽寄龍團數片言仿蔡君謨法

滄海論交後離居白髮生遠憑芳草寄獨用古人情殊  
品來仙嶠嘉名滿鳳城舊諳方法煮花下自移鐫

庚申中秋

京國秋三過清暉此夕長檐雷朝送雨衣露夜生涼尊  
膾牽歸思親朋當故鄉漫誇文字飲白首厭名場

閏中秋

更覺清輝皎誰言令節過露華渾雪夜寒影沒天河萬  
戶砧逾急一年秋倍多關山猶鼓角幾處重悲歌

敕賜翰詹諸詞臣鮮藕紀恩

八月三十日

賞陞分甘切龍池寵賚遙擎來橫白玉捧出下青霄旋  
雪花香在深嘗野興饒漫誇仙掌露渴病已潛消

陳心簡之關東

未遂還鄉計吞聲復此回羈愁憑自遣淚眼向誰開百

愚山先生詩集

卷三十三

五言律

三

折雄才老殘秋絕塞哀賜環應有日仗劍好歸來

贈汪快士

黃山臨戶牖坐臥擁清暉一日遊燕市羣公問布衣蓮  
峰歸夢遠詩卷白雲飛石篆遺餘興眼中人亦稀

戴楓仲見寄用韵

相逢從簡畧接坐得交深敢託苔岑好誰憐山水音錐  
藏時見穎雲出共無心萬里雙魚到風期許斷金

曹升六舍人歸奔母喪

北海層冰路看君復此行蓼莪元掩淚風木重吞聲宦  
薄憎爲累詩窮悔得名不堪搔短髮萬里鵲錫情

送李松客令高淳

少年才力健風壤况稱淳烟水爭環邑鷗鳧不避人近  
江梅信早到日柳條春孟六遺文在應憐白屋貧謂亡友邢孟貞之後

康季庸東歸

先是以催科後期失官至是客都下空歸

飲水非宦拙失意却歸來出每無車騎窮兼到酒杯山  
中煨芋得闕下賣琴回莫便成高隱當途倘愛才

送楊靖調通政歸武林

七載鄉園住懸知世路違官元堪大隱天許遂初衣朝  
署多推挽江湖少是非黑頭甘襍被肯羨二疏歸

戀闕孤忠在還山舊興饒恩輝自卿月勝地好漁樵春

愚山先生詩集

卷三十三

五言律

四

水通書屋江聲雜海潮憑君覓安道款款話連宵

同門戴帖

瞻先生時同住武林

殘歲憶諸從弟

憶弟成吾病言歸未有期蕪田頻歲歉遠道尺書遲勤  
學人誰瘦銜哀髻幾絲官閒分俸薄轉減在家時時居憂未

除服

重九日過風氏園

忍負登高興城南園借看空亭叢菊少偃蓋一松寒秋  
閨遲霜葉沙晴坐藥欄茱萸渾不見風物感長安

晚霞

倚杖西峰見嵐光爛夕曛山腰橫駐日谷口倒蒸雲樹

絢丹楓亂江明錦浪分含情餐未得極目尚氤氳

偶得玉泉水試敬亭綠雪茶

渴比玉川子茶思桑苧煎今朝烹綠雪山客餉清泉甘  
露初嘗日秋蘭未放前官閣饒勝事心賞向誰傳

自喜

聖主知臣老羣公恕我真從來甘薄宦漸許乞閒身記  
問隨年減方書以病親舊溪魚鳥在應待未歸人

寒食感懷

時先叔父歿  
已逾二年

寒食傷心節三生薊北遊無從見楊柳何處問松楸苦  
憶音容在俄驚歲月流臨風數行淚灑不到荒丘

沙河

愚山先生詩集

卷三十三

五言律

五

郭外青郊遠宸遊數往還平蕪元戰地遺鏃倘田間沙  
漲寒河水天高接塞山從來防北口征戍此時閑

二

時百官赴沙河恭送  
后梓宮大駕親赴山陵

春色已過半何無一雁飛地荒花樹少早久麥苗稀羽

騎衝蒼靄宮車向翠微孝陵聞不遠佇望欲沾衣

豆莊信宿喜方渭仁編修見過

野宿無遷次懷人夜月多孤村來好客一騎度長河高  
樹雀羣噪闕門雲自過誰知蓬徑裏握手得羊何

卽過沙河橋訪渭仁

烟火相看近平沙見野橋畏人鷗鷺遠衝馬駱駝驕客  
舍餘茶竈牀頭挂酒瓢相逢無好句春興向誰消

袁士旦歸里

春花欲暮天遊子問歸船櫻筍未殘日鱒魚初上筵倚  
問歡老眼行篋滿詩篇更向新都過蓮峰杖屨邊

王良輔令零陵

正喜論詩好春山遠送行九疑攢翠嶂萬石擁孤城境  
接春陵古心含鈿鉚清東風花爛熳遮莫動離情

龍雷岍移居

卜宅陶公興蓬門仲蔚幽琴尊餘舊物雲月得高樓愛  
客深留坐耽書每借搜大雷鄉信好親健漫悶愁

孫樹百給諫典閩試

舊許文章伯重推侍從臣論才初秉鑑補牘數批鱗蛟  
愚山先生詩集卷三十三 五言律 六

蜃爲樓好珊瑚出海頻烽烟辛苦地應念泣珠人

二

星輅南去遠大火漸西流文字銷兵氣山川散旅愁異  
書收百粵清嘯及三秋惜別還搔首閩天我舊遊

篋中偶檢得陳說崖學士北鎮集有作

別恨星霜久書傳驛路難一編隨手得盡日捲簾看使  
節醫閩迴家山姑射寒廬居應有作莫惜寄長安

渡黃河

彩鷁橫飛緩神蛟偃息初沙晴浮漲減岍遠碧天虛瓠  
子嗟民力龍門憶禹書中流簫鼓競把酒試河魚

汴中追悼趙錦帆

醉憶粗豪能詩從慷慨論同遊過汴水太息指夷門霜  
白繁臺草烟迷兔苑樽中原今側首者舊幾人存

先是張譙

明許菊溪彭禹峰諸公皆因錦帆定交

登汴城官閣客指高山數峰隱約可見因懷王阮  
亭祭酒宋牧仲比部

晨光敞高閣風檻散烟霏河甸澄空霽嵩丘辨翠微霞  
明看不遠雲白認疑非忽憶同心客憑欄携手稀

聞朱悔人北闈被放

自抱詩篇在相憐人亦稀朔風黃葉落南楚片帆歸渚  
畔塞芳近槎頭入饌肥當途能下士莫厭舊崖扉

時爲徐方

伯子星上客

愚山先生詩集

卷三十三

五言律

七

霧

曉霧漲前路戎戎沾客衣石林看虎踞官道怪人稀  
傷午青峰出寒天白日微丁寧遲雨雪早晚故園歸

行經商丘有懷宋牧仲比部

古郡風流地秋深樹色分高城銜白日大壑起寒雲  
文雅雅何人會梁園舊蹟聞所思不可見黃菊對斜曛

城有文雅

野飯

遠見數株樹到來三兩家荒厨畱白餠野菊荊黃花小  
憇停驂好休辭歸路賒勞人免躑躅逆旅是生涯

雪中有懷高遺山檢討

分手歲將殘，孤雲向北看。還因江路雪，轉憶薊門寒。閉戶人疑傲，虛堂酒勸歡。不知芸閣草，斟酌幾時完。

二

昔共繙書籍，今憑護草堂。

即舍即予舊館

別離纔幾日，南北苦

相望。天闕雲霄迴，寒燈午夜長。作詩傳宴賞，羨爾似班

揚

### 湖北謁先墓

四世荒墳在，三年展祭稀。衰顏慙赤紱，老淚重沾衣。防虎來看怯，刑牲逮養違。講堂今寂寞，戶牖滿伊威。

### 江行連雪

連江三尺雪，獨客片帆情。近淑看難見，重雲凍不行。林

愚山先生詩集

卷三十三

五言律

八

空饑雀，隨風緊。夜囂鳴，此去關心急。中有計水程。

### 淳兒送余北發至燕子磯別去

遠送成畱滯，天風吹汝歸。懸知別愁滿，轉恨去帆飛。歲暮千端集，家貧百計非。驅馳自吾分，莫更苦沾衣。

### 金陵垂發恪兒復來侍余北上

愁眼一時開，衝寒汝復來。衰顏憑慰藉，遠道苦遲回。襪被充書帙，風霜付酒杯。行吟須子細，看爾後生才。

### 元旦發高郵

此日卽行役，晨光得乍晴。蓬飛看歲序，星爛啟王程。雲物嘉祥見，干戈絕徼平。彤庭應受賀，虎拜萬方情。

### 自高郵抵淮上書所見

客心驚節換景物轉妻其俗豈忘歌鼓人今賤歲時蛙  
生殘竈冷蛟觸舊隄移辛苦春風意猶煩著柳吹

途中烈風示彥恪

追隨初涉遠捲地朔風寒顏面經旬改衣裘此日單竝  
驅依好友積倦嬾朝餐弧矢男兒志毋嗟行路難

三月三日集萬柳堂奉和馮相國韻

直廬正微雨亭午復來過時鳥窺簾數春風喚客多人  
驚芳節換花照醉顏醜不待攀楊柳憑欄自浩歌

二

羣彥文章盛公登大雅壇鄉心夢巖壑野性嬾纓冠  
水呼朋坐憐花帶雨看時平觴詠得聖世有閒官

愚山先生詩集

卷三十三

五言律

九

送陳太士歸

文字推能手臯比合抗顏論交滿京雜歸夢舊湖山水  
驛黃塵外荷風畫舫問白公隄畔柳何日得同攀

二

吏隱餘書卷山川得雉城茶看峒界摘人入畫溪行采  
藥老能健授經閑自清陸皮游詠地雅調有諸生

馮武若佐沁州

壯年歡捧檄老我別情深同舍一庭月銜杯兩世心銅  
山來曙色客路爽秋陰舊是名家子漳河照素襟

偶成

逐逐成何事勞勞誰共論微名看穴鬪散帙任風翻筋

力慙人問驅馳誤 主恩退朝清嘯得遮莫掩蓬門

二

敢謂交游薄逢時自覺難強吟供物役冷眼耐人看老  
學頻知愧平心得少安朝朝憑藥餌斟酌當盤餐

走筆送陳仲亨歸里

鴻文曾領薦朱邸又傳經韋帶存儒素臯比見典型人  
歸楓岍遠山抱草堂青斗酒牀頭在狂歌幾醉醒

二

旅食三年共鄉愁見面無秋風從此別舊好日應孤魚  
蟹隨蘭棹烟波勸玉壺重期開笑口余亦返南湖

宋牧仲比部言預營菟裘名之曰綠波村聞之灑

愚山先生詩集

卷三十三 五言律

十

然成二詩

中有芟梁放鴨亭撈蝦步

歸心動官舍逸興奈君何野浦葺高館烟村名綠波魚  
蝦隨網得雲霧入簾多此境幾時住相將河上歌

二

地靜眠鷗渚沙喧放鴨亭竹中何客到雲外幾峰青病  
試餐霞法閉看種樹經到時塵事少耳目一時醒

寄高雲客閩中

不信干戈地猶傳萬里書林廬劫火後身世海波餘天  
意存耆舊生涯穩釣漁十年尊酒澗白首付離居

二

萬事殘雙淚全生逐畏途行藏半明晦遠作自江湖將

愚山先生學餘詩集卷之三十四

七言律

鷓鴣館

六日東風

不雨初

公補列

湖田

...

愚山先生詩集

卷三十三

五言律

士



雙翁... 外... 山... 石... 關... 西...  
... 藥... 哇...  
... 在湖... 短衣... 尤... 康...

施愚山先生學餘詩集卷之三十四

七言律

谿館

幾日東風萬葉齊，獨尋孤館就雙谿。  
藤花小落過松鼠，林雨初收唳竹雞。  
句曲水通茶竈外，敬亭山見石闌西。  
殘編列架生涯足，餘興還鋤種藥畦。

湖田督刈

楓林寒雨一村孤，秋漲田低半在湖。  
敝履短衣就麋鹿，三年八口寄荒蕪。  
稅春野碓穿雲入，酒倩鄰翁隔水沽。  
忽見麻姑好山色，卜居長擬作潛夫。

都門懷古

愚山先生詩集

卷三十四

七言律

一

長安旅食飽風塵，夜夜還家夢苦辛。  
雪裏關山驅匹馬，病中梅柳度三春。  
金臺勝蹟餘黃土，易水寒風起白蘋。  
燕趙舊來多慷慨，悲歌屠狗定何人。

次淮上

夜泊孤帆津吏喧，高城明月浪中翻。  
天浮吳楚連江甸，地擁魚鹽壓海門。  
枚叔里前寒草綠，王孫臺畔暮雲昏。  
蒼茫極目干戈後，叢桂蕭條不可論。

過桑乾

幾歲桑乾夜渡河，金門持節又經過。  
烟寒碣石鴻飛少，霜早燕山木落多。  
北望長安時駐馬，南征荒徼正橫戈。  
可憐輦轂平蕪地，細雨秋原散橐駝。

諸城道中

東武諸山接太清，高秋氣爽復新晴。  
瑯琊臺遠陰霞散，馬耳峰孤落日明。  
樹帶寒花分野色，人穿層坂亂谿聲。  
塞帷此地堪乘興，轉繫江南故國情。

使舟暫泊適舅氏諸親故晤別

欲歸不歸歸夢頻，愁見沙頭有故人。  
歲逼江淮帆帶雪，途經關塞鬢生塵。  
天南銅柱遙懸淚，客裏梅花早報春。  
慚負渭陽情倍切，臨歧珍重病中身。

潯江月夜

倚醉無憂行路難，江村燈火逐人看。  
從教津吏來譏客，最喜漁翁不識官。  
月上匡廬天際白，霜清城郭鏡中寒。  
愚山先生詩集卷三十四 七言律

二

九曲亭置酒是蘇子瞻遊憩處

蘇有醉上西山尋野梅之句

玉局仙人杖策來，孤亭九曲萬山開。  
坐中雲漢低屏障，檻外湘江入酒杯。  
崖暖遊蜂穿洞出，沙崩猿狖涉谿回。  
最憐古木摧殘盡，西嶺何當問野梅。

晴川樓至大別山絕頂

山下有鎖穴孫皓鍊鏡，截江處對江卽黃雀樓。

桃花洞口花正開，却月城邊對酒杯。  
大別風高神禹廟，漢川雲逐楚王臺。  
江沈鍊鎖魚龍蝕，鶴去仙樓鶴雀來。  
絕調千年空悵望，碧烟芳草暮天哀。

二

漠漠晴川古木稀，寒雲絕壁攬春暉。  
水吞山郭蛟還鬪

風起江城花自飛，集浦帆如千樹密。傷巖僧共片雲歸，  
郎官湖畔猶堪醉。細雨東來點客衣。

湖南贈李聖一侍御

埋輪慷慨著平生，攬轡重合此日情。芳草可憐戎馬地，  
空城真見虎狼行。民疲轉餉還征戰，吏困催科廢送迎。  
滿目艱難堪痛哭，何時抗疏達承明。

望衡嶽

鏡脚道人嘗夜半登祝融峰觀日出大叫曰雲海盪吾心曾

衡山絕頂祝融峰，獨峙天南抗岱宗。水國風雷虛岫出，  
炎方冰雪半巖封。斜陽稍辨烟中樹，昨夜遙聞岳麓鐘。  
好駐星軺看日出，臥翻雲海盪心曾。

衡南排山道中

愚山先生詩集

卷三十四

七言律

三

雁峰南去亂雲間，荒嶠層岡到百蠻。滿地龍蛇橫是路，  
一天草木暗無山。行人出谷時相喚，棲鳥懸巢乍可攀。  
更有前途危嶺在，莫將瘴霧換離顏。

熊羆嶺

祁陽

策馬層巖不可攀，蒼煙合杳萬重山。林陰晝入熊羆窟，  
石險宵懸虎豹關。古廟戎樓深寂寞，寒松苦竹響潺湲。  
人間回首虛無裏，惟有浮雲向北還。

宿永州高山寺

石磴嵯峨近百尋，層峰迢遞隱雙林。香臺迴入楚天外，  
花雨遙飛粵海陰。戰後山城官舍盡，春殘雲樹瘴烟深。  
高僧應笑星軺客，借榻空懸出世心。

畱別尹昭州莫階

昭江白石水濺濺太守風流清且賢天繪樓前畱夜月  
龍門驛畔剩寒烟貪看好句添尊酒苦念貧交損俸錢  
明日蒼梧悵分手又乘孤棹下長川

南海諸公招集五羊城上

嶺外荒城復此觴園開荔子入盤香五羊舊蹟歸春草  
萬頃危檣在夕陽客醉欲眠白苧舞漁歌忽斷碧天長  
不知銅柱還無恙橫海旌旗一戰場

端州同沈止岳僉憲過朱子暇

地近七星巖

瀝湖何似浣花溪有客狂歌獨杖藜烟水遠平天際綠  
星辰翻落掌中低牽舟入洞開新堰披草看碑續舊題

愚山先生詩集

卷三十四 七言律

四

巾烏蕭然巖景暮荔枝亭畔鷓鴣啼

端江七星巖

又有巖名仙掌

尋山却喜掉扁舟夾岸青蒼入水流巖挂七星河漢逼  
洞寒三伏戶庭秋平湖菱芡花皆發絕嶂藤蘿霧未收  
典劇便須攜枕席臥看仙掌重淹畱

沈止岳署齋畱別

別後重來客病蘇驪歌此日重踟躕開樽荔浦晚移坐  
竝馬星巖昨泛湖人去蒼梧雲影澗帆歸湘浦月明孤  
江阮琢石應分我莫學龍圖一研無

君轄端州許贈佳研

康州舟中

亂水潺湲夕照前青莎白石靜娟娟鷓鴣飛處月斜挂

蟋蟀鳴時人獨眠炎塞山川窮兩粵病身風雨別三年  
近來鄉思翻搖落隨意蘆花送客船

初至歸宗寺同藥公作

寺後有玉簾泉金輪峰上置鍊捨

帆落匡廬片石邊自攜藜杖入青天玉簾不捲谷中雨  
鐵槍孤飛峰頂烟五嶽高僧來挂錫半生多難愛逃禪  
來朝盡洗風塵眼飽看黃巖瀑布懸

歸宗寺用壁間韻

上方秋曉散清鐘木末憑陵千仞峰  
蠡澤寒光沾翠壁寺門靈蹟起枯松  
雲根細引山泉入香飯閒將石耳供  
何事遠公飛錫去空庭蘿月影重重

開先寺

有寶墨亭昭明讀書臺黃山谷書七佛偈其上

愚山先生詩集

卷三十四

七言律

五

黃巖巖下叩禪扉老樹寒潭石徑微  
寶墨亭臺雷佛偈爐峰烟霧上僧衣  
峽開青玉奔雷急崖暗蒼龍帶雨歸  
誰拾枯松煮瀑布朝朝目送白雲飛

三疊泉

爲廬山最勝處余欲從玉川門溯流開徑置小亭其下使飛泉拂面畱以告後之好

者事

側疊雲峰路幾盤飛流曲注一天寒  
風回水雪聲相鬪峽險蛟龍窟未安  
五老細垂蒼玉佩九屏濯出翠琅玕  
尋源我欲開幽境枕石懸巖仰面看

彭蠡阻風二十日

北風一月聲淒淒彭蠡浪壓匡山低  
客子無衣看落木愁人欹枕聽寒雞  
眼前五老招不得夢裏雙溪去欲迷

滿地江湖無鳥道側身何處可攀躋

泊石鐘山

潭深徑仄斷人行落日何來鞚聲湖浪盡吞千籟入  
江湖初涌一山鳴崖前石屋僧俱老洞口漁磯月漸明  
夜半客眠愁復醒一時驚起故鄉情

歲暮蕪湖尋陳伯璣不值

君去章江音信稀鳩茲深巷掩柴扉獨尋故里應垂淚  
久住它鄉不易歸憶母看回南浦雁憑僧爲煮北山薇  
懸知抱膝愁吟處五老峰前雨雪飛

次旌陽三谿

奔泉一帶瀉千峰雷雨聲中走白龍窈窕疎烟叢翠篠  
愚山先生詩集卷三十四 七言律

六

參差殘雪在孤松林開絕壁山樓出村繞寒谿水碓舂  
人事年年車馬急汀鷗沙鳥自從容

霞谿寺閣晚眺

山城木末晚蕭蕭草閣谿聲似聽潮午夜一編燈自照  
寒天百甕酒能消雲中白屋分松徑雪裏青萁過板橋  
已分勞人憑逆旅可容生計老漁樵

過隱龍尋方位三帝上諸子

隱龍地名

謝客登臨興不慵雪晴躡屐一相從最憐嶺上偏流水  
誰定人間是臥龍竹屋圖書丹嶂曲柴門雞犬白雲重  
連牀信宿飛清夢知在黃山第幾峰

張二岳大屏山亭

郭外桃源路不賒茅亭藥圃自山家到門鳥語散叢竹  
把酒春晴坐落花乳水遠融青嶂雪屏峰高擁赤城霞  
醉吟解道隨餘興歸騎何妨夕照斜

歙城連雨

春風冉冉客銷魂春雨冥冥白晝昏芳草經旬三徑滿  
梅花隔日幾枝存過橋雲氣霑藜杖動地泉聲到石門  
待躡黃山最高頂手摩羣岫是兒孫

始入白岳宿桃花洞天

山有五峰

樹裏柴扉暮不扃仙臺燈火遠熒熒烟橫谷口虛堂白  
路入山腰古洞青竹葉翻風喧夜雨桃花流水帶春星  
巒岫五老遙相待明日丹梯上香冥

愚山先生詩集

卷三十四

七言律

七

白岳香爐峰

突兀爐峰千仞立東西鐘鼓鬱相望蒼烟不斷碧天接  
真氣猶存瑤草香夜雨冥冥見燈火晴雲裊裊濕衣裳  
石壇仙竈今何在絕壁孤巒思渺茫

飛雨巖

疎雨空濛何處飛紫霄巖畔春日微玉女洗頭綠冉冉  
仙人漱齒寒霏霏野鶴下來閒刷羽松風吹灑細沾衣  
相如莫羨金莖露斟酌此中無是非

集河西太平寺

唐許宣平隱居披雲嶺李白有灘前流碎月之句

無數垂楊盡綠烟故人高會練江邊僧廬路入披雲嶺  
仙客詩畱碎月篇往俗三春喧競渡何年雨岬歌歌船

風光不改餘丘壑猶有啼鶯當筵絃

過交蘆館

是吳肇一大年兩君從先王父讀書處

二妙書堂尚可尋蘆洲竹嶼共陰森下帷不爲窺園計  
隱几時聞流水音人去荒庭松桂合春來虛閣薜蘿侵  
當年講席畱詩處滿壁苔痕自古今

集吳天行釣雪堂

主人別業開谿烟一樹雪毳巧當筵急筴繁絃催驟雨  
丹亭曲榭引流泉野雲風細來裊裊竹舸灘滑去娟娟  
醜酒畱春春過眼落花滿地黃金錢

松蘿山題僧舍

有二松來自滇南又舊傳松蘿茶製自寺僧大方始

石林細路草茸茸古壁春陰雲氣重門外一峰如鷲嶺

愚山先生詩集

卷三十四

七言律

八

階前雙樹是滇松山君畫出衝人過毛女時因采藥逢  
舊日種茶僧漸少上方亭午不聞鐘

走筆問梅季升

峽石主人歸未歸家山雪後亂清暉閒從鷗鷺來爭席  
深入菰蒲不揜扉小婦抱薪燒筍熟鄰翁收網餉魚肥  
因君遊跡知長策回首雙溪舊釣磯

趙壁雲見訪息柯亭

山人高臥雞山頭爲我入城掉扁舟落筆都成巖壑氣  
立談已作逍遙遊古藤葉暗窺蒼鼠陰洞泉香來自鷗  
不厭茶瓜銷永日石牀湘簾可淹畱

山陰送饒景玉歸歛兼訊諸舊游

別後花飛又一年我來君去各風烟看山到處添圖畫  
垂橐何人乞酒錢秋靜雲開橫浦寺晚涼月照渡江船  
共知萬事巖棲勝誰仿蓮峰築數椽

宿吳山文昌閣

丹樓畫棟倚崔嵬絕巘層峰遶檻開雨氣直從天目至  
潮聲遙過海門來下方城郭蒼烟合半夜雲霄絳節迴  
一自當年飛鐵騎暮禽春樹到今哀

千峰閣喜雨

秦望峰頭雲乍生驚看急雨過孤城巖雷遠帶江湖入  
澗水橫連山井平一夜園林蘇渴病萬家蓑笠慰春耕  
檐前許爾雙蛟鬪迸作空階瀑布鳴

愚山先生詩集

卷三十四 七言律

九

山陰息柯亭

故宋相  
國別業

謝傅東山池館幽到門石檻繫蘭舟疎簾白晝松雲入  
叢桂清陰澗水秋覓鄰僧時接杖含情客子獨登樓  
憑誰解取柯亭竹暮雨瀟瀟長笛愁

晚集唐豫公

舊長  
洲令

雨後秋蘭繞座生銜杯花下復彈箏主人百斗能不醉  
小飲東方坐欲明手板舊諳彭澤嬾釣船新放鑑湖清  
君家書畫多無數乘興頻看莫送迎

唵縣贈吳亮公明府

扁舟爲愛剡中山谿畔相逢醉不還天姥當軒開窈窕  
石梁飛瀑近潺湲官貧畦菜尋常絕吏罷追呼日月閒

安道琴樓今尚在使君清嘯一躋攀

題汪然明先輩湖船

船名不繫園

汪倫情興似君無每日花開倒玉壺  
座轉春鶯留上客家移畫舫住西湖  
琴箏醉拂芙蓉亂籬閣時容水鳥俱  
肯借圖書同泛宅便應散髮飯雕菰

寄梅子先子翔二丈

壯歲何當把釣竿醉吟東渚就風湍  
谿中白石明堪數雲外青峰迴獨看  
芋栗叢生園徑窄薜蘿長護洞門寒  
秋來積雨傷離索莫聽猿啼楓樹灘

梅所居有楓樹灘

寄新安汪支岫

荒園四壁草蟲吟念爾山堂落葉深  
老去壯懷猶倚劔愚山先生詩集卷三十四  
七言律

十

愁來短髮不勝簪風流野寺分題日  
涕淚河橋悵別心獨坐昭亭望黃岳  
蓮花秋色遠蕭森

杪秋過顧與治庭梅偶開數花賦得檐字

青谿霽色近疎簾到爾園亭坐輒淹  
秋暮早梅開照眼霜前黃橘亂垂檐  
掩關避客幽人集就石移尊樂事兼  
夜久月明衣露白牀頭斗酒更呼添

雙溪觀橘柚

菊徑茅堂風颯然手栽橘柚獨娟娟  
香盈懷袖寧須折色老丹黃劇可憐  
嘉樹舊傳騷客頌霜林憶汎洞庭船  
郊園晚計行看汝好種千頭谿水邊

集顧見山水部高會堂

舊京人說顧長康吏隱江關水一方客滿高齋還置驛  
詩成曲水共傳觴晨光竹柏垂朱檻夜雨魚龍到草堂  
我亦爲郎愁轉劇能禁清夢遶滄浪

九華山中寄顧池州澹叟

人因訪舊來秋浦天遣尋幽入九華廻合松杉清磬遠  
峻嶒宮觀白雲斜吞江西嶺橫飛練射日東巖倒作霞  
遙憶使君驅五馬何時乘興問山家

齊山用杜牧之韻

天寒木葉出林飛暫息中車就翠微小院殘僧煨芋熟  
清谿釣叟得魚歸霜枯巖洞餘春草日落江城散夕暉  
康樂久虛山水興野雲何事戀征衣

愚山先生詩集

卷三十四

七言律

十一

兩宿臥佛寺

力疾江干度雪峰老僧攜杖獨從容征衣半裹冰霜重  
濁酒空浮琥珀濃自厭客心長少寐不勞清夜更鳴鐘  
關河在苒王程在愁見天邊有夕峰

元日前兩夕次高郵懷李叔則

危橋斗酒不成醺綺席華燈兩地分隔浦數峰烟外沒  
過江一鶴月中聞閒居幾歲尋芳草遠別逢春見暮雲  
那更滄洲懷李白淮南淮北雪紛紛

燈夕舟中大風雪

盡日回飈帶雪飛衝帆捲幔灑人衣橫舟颿颿喧江閣  
對面茫茫失釣磯今節尊前滄海濶早春淮口雁鴻稀

故園火樹銀花夜應憶天涯客未歸

河凍復登陸行

黃河昨日水初泮  
淮口新年雪又深  
流水凍來猶不去  
斷篷飄轉獨何心  
風驅大漠浮烟滅  
天閃寒光白日陰  
却羨翩翩遊獵騎  
捋弓逐兔出平林

送潘仙客同年使粵西

凍柳疎梅雪漲谿  
使舟又入楚天西  
洞庭過盡湘流碧  
桂嶺回看衡岳低  
石室玲瓏魑魅笑  
江花窈窕鷓鴣啼  
星軺舊憶經行處  
一路淒清聽鼓鼙

懷唐田卿權關蕪湖兼屬訊陳伯璣

司農飛蓋去江津  
惜別殘冬又早春  
牛渚蟪蛄時騁望  
愚山先生詩集

卷三十四

七言律

七

眠鷗浴鷺坐相親  
詩從湖海多清思  
官近鄉關狎故人  
旅食宵憐詞賦客  
南州孺子豈長貧

青州魏使君同武別駕夜宴舊藩府

良夜清樽散旅愁  
一時賓從盡風流  
階前月到山光見  
臺畔天垂海色秋  
久客笙歌悲白紵  
故宮烟樹遶朱樓  
雲門忽憶登臨處  
半醉題詩在上頭

送狄文止水部視學楚中

花發燕山送別時  
武昌楊柳萬條垂  
磯雷黃鶴仙人閣  
水遶青山夏禹祠  
騷客舊矜歌郢曲  
楚天無恙足江離  
風流水部多能事  
遙計南征定有詩

同鄉諸子夜集吳聖水邸舍

怪爾作吏家長貧春衣典盡頻畱賓雪鱗香芹南國饌  
酒徒詞客故鄉人敬亭薜荔若在手燕市酣歌還愴神  
一石濁醪髡未醉雞鳴日出尚逡巡

都下就黃鳴仙小飲

比舍相過夜不冠官閒祇作酒人看頻聞錦瑟歡悲換  
小酌宮籟醉醒寬此日蓬茅無埽徑異時書札問加餐  
金門避世吾徒在秋色重催白露漙

豫章劉小石見示登岱諸作

眼中突見豫章材拔劍徘徊天地哀登岱嘯歌奉日月  
向人懷抱走風雷薊門荏苒長爲客碣石荒蕪未築臺  
還憶匡廬山色好舍情相對一銜杯

愚山先生詩集

卷三十四

七言律

三

慈仁寺松下同韓聖秋方子貽兩舍人

頻移杖屨爲看松對酒重歡之妙逢樹下午陰寬四坐  
雲根秋靜殿疎鐘年深偃蓋來棲鶴風掣垂蘿走臥龍  
賈客莫教喧廟市坐吟畱我得從容

廟市每集松下

吉敷寺同季天中給諫

古寺陰陰五月涼郊壇松色上衣裳雲依初地從侵檻  
雨過高城各盡觴消渴茂陵甘寂寞棲遲金馬敢清狂  
飄蓬聚散同爲客何處人間是醉鄉

京邸病中送同寓張旭源南歸

客邊送客腸堪斷况復西曹伏枕時同舍幾人龍問疾  
索居從此倦論詩心隨天際孤帆影夢遠山中叢桂枝

謝眺北樓應好在浮雲何處更相期

禾中李山顏將南還有作

嬾向王門再鼓琴  
焦桐誰復有知音  
雕龍若箇歸金馬  
野鶴何心戀上林  
萬戶砧聲霜下急  
一庭梧葉雨中深  
巷南巷北無多路  
貰酒同爲越客吟

送范祖生司理南康

孟博孤標未易攀  
雙旌南去就匡山  
千尋瀑布虛無裏  
九疊屏風杳靄間  
遠郭漁樵行處見  
傍湖鷗鷺起人還  
向來鹿洞藏書處  
弭節披榛倘暫閒

再補比部

潦倒三年狎野鷗  
重來西署復清秋  
疎槐繫馬枝皆盡  
愚山先生詩集卷三十四

七言律

丙

老柏啼烏人自愁  
舊友半違青瑣闥  
浮名空占白雲樓  
夜闌讀律仍惆悵  
悔別雙溪蘆荻洲

悶

過雨疎桐秋色深  
安仁三十二毛侵  
漁陽風撼金莖動  
龍塞雲連鳳闕陰  
綠酒乍親惟勸影  
寒衣不至坐聞砧  
家書簡點頻經眼  
無那天涯遲暮心

送吳聖飛南歸

季子日夜思東吳  
草堂新闢城南隅  
蒼苔歷歷亂青靄  
白日陰陰交碧梧  
巖孤雲元戶牖  
平田春水是江湖  
歸帆應及黃花候  
好趁秋風問酒壺

追寄瞻伯潞河

故人別我逢多事走馬相過君早行不爲彈冠來帝里  
誰憐被褐老書生長河落日孤帆轉獨戍殘秋畫角鳴  
歸去東籬花盡發兩京何似五湖情

送張康侯之京口

時召見  
賜宴

揚子江邊是潤州蘭舟錦纜發清秋中冷泉冠三吳水  
北固山當萬歲樓身被恩暉辭太液心閒官舍接滄洲  
漫愁海畔多烽火禁旅旌旗在上游

集賢閣

片雨城頭送夕陽池邊樓館受風涼潺潺流水管絃思  
裊裊浮雲苒蓀香近浦雕欄齊繫馬入筵雪餉旋烹魴  
登臨莫引江湖興楊柳河橋似故鄉

愚山先生詩集

卷三十四

七言律

五

季天中給事以直諫謫塞外追送不及

時朋舊送  
者流涕君

慷慨就道惟言及  
拜太夫人一失聲

策馬送君君出門朔風動地捲蓬根孤臣抗疏甘身死  
萬里投荒是主恩笳吹天山邊月小城連沙積塞雲  
昏心知去國無多淚腸斷慈烏聲自吞

日照觀海同呂翰公明府

萬里蒼波照客顏危亭天畔更躋攀魚龍欲見空中閣  
風雨忽移何處山絕壑浮雲來掌上扶桑倒影接人間  
憑陵愁思翻無際漁父孤帆去獨閒

施愚山先生學餘詩集卷之三十四終

施愚山先生學餘詩集卷之三十五

七言律

中秋和張友鴻吳六益

清樽露坐客衣單，酒罷狂歌興未闌。  
秋色一年今夜好，鄉心萬里九霄看。  
風吹玉笛關山怨，葉落金門天地寒。  
回首家園俄隔歲，小兒已解憶長安。

陪祀郊壇

圓丘清曉霧氤氳，拜舞衣冠鵷鷺分。  
碧殿朱旗列宿繞，黃鐘清磬九霄聞。  
雪澄泰畤光連海，柴望天門氣作雲。  
肅穆祠官能備物，馨香還賴聖明君。

九日同張友鴻吳六益登毘盧閣

愚山先生詩集

卷三十五

七言律

一

長安何處問金臺，寺閣時銜竹葉杯。  
北極晴霞連塞起，西山翠嶂拂天迴。  
九衢車馬黃塵暗，萬里風烟白雁哀。  
此日故園荒逕在，東籬叢菊向誰開。

元旦

元旦初逢在帝鄉，宵分不寐攬衣裳。  
江關庾信思千里，歲月揚雄書一牀。  
送臘虛堂殘柏酒，朝天瘦馬媿鴉行。  
怪來梅柳無消息，宮樹青熒盡雪霜。

駕幸海子

三年計吏衣冠會，萬國朝天鷁鷺行。  
見說徵兵營細柳，還聞傳蹕獵長楊。  
鑾輿曉拂燕山雪，帳殿宵深碣石霜。  
楚蜀王師猶未息，應知父老望垂裳。

送陳公朗官詹之山東藩使

侍從承恩出建章，驅車碣石近扶桑。  
聖書特簡東藩重，劍佩猶餘御苑香。  
九服山川宗海岱，千年詞賦誦靈光。  
淋漓况有龍蛇筆，日觀峰頭勒幾行。

送蔡蓮西出守太原

郡有石室山壁  
篆字莫可辨

雪後長安酒數杯，送君作郡早梅開。  
綰符疆土雄三晉，露冕雲山接五臺。  
石室好將蝌蚪辨，烽烟莫遣雁門來。  
并州疾苦今誰問，還仗中郎曠代才。

元夕

燕臺夜永鼓逢逢，蠟炬金樽爛熳紅。  
列第侯王燈市裏，九衢士女月明中。  
玉簫偏唱江南曲，火樹能禁塞北風。  
愚山先生詩集卷三十五 七言律 二  
惟有清光無遠近，它鄉故國此宵同。

上元後三日集張譙明宅

同菊溪友鴻介石  
錦帆釋堂六益

薊北江南聚首難，良時客舍共盤桓。  
論心促席春初永，授簡成詩酒未殘。  
極浦晴雲千樹綠，西山積雪半天寒。  
烽烟滿目滄江遠，吾道還應老鶻冠。

送洪瑞玉司理韶州

郡西有芙蓉山

春風萬里送行舟，度嶺褰帷百粵收。  
客路應從廬岳過，詞人更得曲江遊。  
蠻谿竹布來墟市，仙岫芙蓉遶郡樓。  
亂後遺黎須解網，天南瘴癘莫深愁。

碧雲寺

香山東去畫冥冥，碧殿丹楹倚翠屏。  
老樹數圍全覆屋，

流泉百折故依亭碑傳中貴祠園地閣護先朝救賜經  
亂後璇題漸零落檐前依舊萬峰青

送孫直公南還

薊門握手榴花然俸薄畱賓無酒錢話到尊鱸堪永日  
別來松菊幾經年荒亭玄草同揚子秃筆丹青老鄭虔  
歸去應憐郎署客輸君垂釣宛谿邊

送王晉劉編修視學中州

論文不厭出承明祖帳傾城太史行地擁天中迴北極  
才推鄴下抗西京銜杯風雨黃河出拄笏雲霞少室晴  
若過夸門應伏軾抱關倘有一侯生

夏至陪祀方澤

愚山先生詩集

卷三十五

七言律

三

雨後仙壇碧草芳遙聞玉露出芝房崇墉柏帶青霜氣  
方澤波含明月光天仗旌旗嚴咫尺精靈岳瀆走蒼茫  
朝來回輦西山見五色晴雲接建章

送吳魚山守潯州

長安尊酒日論文懷袖猶餘黃岳雲  
藤江深霧路難分客尋絕島丹砂出虎嘯荒城白晝聞  
見說比來稀瘴癘秋風離思莫紛紛

送王望如之泉州

郡有石  
乳泉

新安水急去潺湲驛路孤舟鷗鳥聞  
渡江虛白雨千山海潮遠色連官閣石乳甘泉駐客顏  
諸將樓船紛羽檄刺桐花下幾回聞

曉入西苑

新蒲古柏曉陰陰  
太液昆明入上林  
翡翠層樓浮樹杪  
芙蓉小殿出波心  
人歌鳧藻衣冠會  
水奏箛韶鼓吹音  
欲望天顏真咫尺  
露臺廻合彩雲深

送王明府之旌德兼憶方位三諸子

握手知君友道存  
之官風物正堪論  
城邊雲氣梓峰出  
望裏蓮花黃岳尊  
種芋山田千樹杪  
沿溪水碓萬家村  
舊遊此地無窮憶  
爲訪諸生在葦門

送呂蓮舟致仕歸里

襖被歸田意若何  
看君雙鬢未蹉跎  
名家亭館藏書在  
故里雲霞少室多  
松菊身閒憑酒盞  
風波夢穩是漁蓑

愚山先生詩集

卷三十五

七言律

四

舊傳司寇貽謀遠  
宵負林泉學放歌

君從大父新吾公  
官司寇以理學名

王崑良視學嶺南予亦有山左之役賦別

楓黃露白重陽節  
楚粵輕帆萬里開  
客裏閒看江上月  
到時先賦嶺頭梅  
憑陵銅柱青天遠  
物色明珠合浦來  
我向徂徠峰頂望  
知君清嘯越王臺

九日集金魚池予將視學齊魯畱別錦帆石灘飛

濤長眞崑木諸同舍

薊門客舍又重陽  
底事驚心髮漸蒼  
地敞層軒供極目  
人當別路幾廻腸  
江鄉夢遠虛鱸膾  
關塞風清急雁行  
明歲登高定何處  
金臺日觀各相望

江南思

山園桂樹雙溪邊年年花下開芳筵縮項白魴西子乳  
經霜紫栗小兒拳平頭滌器待釀菊少婦刺船歌采蓮  
安得拂衣便歸去腰鑱倚杖看江天

赴官山左聞趙錦帆使秦中

舊爲甘泉令

旗亭祖帳意逡巡一曲驪歌白髮新歲暮同誓忽分手  
路岐東魯望西秦嶽蓮積雪臨官道關樹悲風捲塞塵  
舊日使君多惠政應看竹馬候朱輪

光岳樓

危樓千尺瞰滄溟秦岱東來作翠屏拂檻寒星晴歷歷  
侵衣銀漢晝泠泠地連朔雪孤城白天入齊烟一帶青  
尊酒未酣人欲散西風黃鵠度空冥

愚山先生詩集

卷三十五

七言律

五

歷下長至

風烟歲暮倦憑欄列岫峩峩入座看白日遠銜山寺出  
微陽不散雪峰寒人間賈誼憂時切天上羲和駐節難  
却憶去年今夜月趨陪玉輅向郊壇

章丘官舍元夕

去年北闕遊燈市今日陽丘對酒杯吏散高臺憑縱目  
吾衰大國忝論才千家繁吹城鴉起四坐清光海月來  
火樹銀花空爛熳勞人永夜獨徘徊

青州道上

草色青青攬轡遊馬頭見說古營丘荒村老樹聞鶯少  
舞絮驚沙攪客愁霸氣尚留齊海岱微言誰問魯春秋

登臨預擬蓬萊閣好倚扶桑到十洲

東海廟

萊州

芙蓉島畔海波平絳殿珠宮入太清實有鮫人來邑里  
虛傳羽客出蓬瀛半天松柏魚龍影白晝旌旗風雨聲  
大祀前朝留寶冊殘碑剝落任縱橫

衍聖公荷亭

石檻茅亭處處幽涼風六月坐驚秋時看荷芰山根出  
無數藤蘿水面浮客有淮南思桂樹人從花下繫蘭舟  
登臨便作千年想洙泗還應此地流

同嚴子餐給諫李君渥樞部泛明湖

落日扁舟野興長繁絃急筦倚筵張回波荷芰餘零亂  
愚山先生詩集卷三十五 七言律

六

曲浦亭臺接淼茫海內詞人從二仲客中佳節近重陽  
東藩阜蓋傳高會此地風流倘未央

湖上卽杜工部陪李北海宴歷下亭

舊址

釣突泉上白雪樓

于鱗舊址在鮑山

飭水新移白雪樓凭虛霽色俯齊州青冥古木垂天暗  
日夜寒泉拂檻流詞客登臨還作賦岳雲繚繞故生愁  
鮑山東望成今古草閣榛蕪玉露秋

濟南九日登歷山

今俗名千佛山

看山結伴太逡巡杖策貪趨采菊辰天際長風真落帽  
樽前今日是閒人蒼巖石壁孤城影深洞莓苔古佛身  
薄暮寒烟連海色華峰千丈獨嶙峋

華不注同子餐君渥石齋賦得秋字

峻嶒孤嶂逼天愁絕頂橫看滄海流自覺浮生妨白眼  
醉邀落日坐清秋談天稷下名虛在躍馬中原戰未休  
蒼莽寒雲陰萬壘誰知今有謫仙遊

濟南除夕

草草勞人又一年今年強仕將華顛浮雲事業看何在  
白雪聲名恐浪傳風靜燈花繁永夜雪消臘月似春天  
客心何處還瀟灑眼底七十二清泉

徐伯調至

思君真不忝應徐躡屨重來慰索居滿地干戈無道路  
隔年親友見音書雪高岱嶽寒雲白春入江梅凍蕊疎  
愚山先生詩集卷三十五 七言律 七

燒燭開樽情汗漫共君擬是臥田廬

太白酒樓

謫仙痛飲狂歌地畫棟層軒面水開短碣詩篇還埠現  
千年春色自樓臺筵前積靄青徐出座上飛帆吳楚來  
長笑古今皆逆旅何如天際一銜杯

懷蕭山毛大可

縣有北幹山

徂徠花發獨登臺憶昔深銜北幹杯詩序真看毛氏出  
騷歌重見屈原來湘湖春綠香蕙軟吳岫天青錦樹開  
見說樓船橫海急茅齋門揜水城隈

客至白故鄉

峭峰望遠淚霑裳江郡人來感別長芒碭風烟穿虎穴

時陽山遇暴客關山雨雪過羊腸信知大國非吾土醉倚親交是故鄉庭際桃花頻勸客移樽欵欵夜連牀

重登四照樓同諸子用樓字

城隅一曲藕花洲官舍重開水上樓歷下泉聲寒白日岱宗山色出高秋獨吟散帶羣鷗靜促坐論才好客畱文學性成鄒魯在談經吾恐媿施讎

家叔歸江南

一身歸去二千里細雨飛花三月時拙宦生涯疎骨肉長江戰地滿旌旗春殘暮色還催髻客裏新詩好對誰寄語家山舊知已數行書札淚如絲

署齋觴客對牡丹

同沈治先高阮懷梅子翔幼龍

愚山先生詩集

卷三十五

七言律

八

獨坐看花自舉杯稱心佳客此登臺春寒故緩風光好手植初驚爛熳開疎雨避人筵外散停雲拂樹酒邊來眼中萬事從搖落永夕畱歡未擬回

登岱

岱宗萬仞氣蒼蒼杖策尋巔盡八荒列岫兒孫爭拱立諸天旌節鬱相望丹霞白霧分陰霽玉簡金函入混茫欲小神州重極目丈人峰畔一褰裳

二

夕嵐夜雨萬山迷忽有天雞闔闔啼帝許登臨開日月人從指顧走虹霓扶桑灼爍滄溟畔太華微茫碣石西七十二君空駐蹕何如筇杖遍丹梯

羣仙冉冉下青峰迴合虛無紫氣重日出天門當漢時  
雲深御帳失秦松雙崖石裂驚龍鬪四月桃開積雪封  
輦道荒蕪民力盡相如禪草且從容

日觀晴光傷午開茫茫東見海為杯九州積氣峰前合  
萬里浮雲杖底來鄒魯山靈真莽蕩吳閭練影漫徘徊  
崑崙不到終遺憾欲駕蒼龍首重回

泰安過趙侍御飲花下

海棠柱史堂前樹合抱雙柯滿院陰共喜繁花舒醉眼  
不勞白髮損春心酒樽北海時畱客絲竹東山自賞音  
愚山先生詩集卷三十五 七言律

門外岱宗青嶂逼那能高枕廢登臨

懷趙錦帆比部

趙壹經年書札懶髣毛知爾更重斑解裘夜醉繁臺月  
振策春尋少室山黃鳥關關芳樹暗濁河滾滾斷雲開  
舊矜老筆收元氣爭似燕臺破旅顏

望長白山

雨後明霞冉冉紅浮雲猶裊半山中年夢想赤松子  
何處招尋白兔公列嶂臨城餘礪雪虛巖面海自天風  
岱宗寒色真相望杖策憑陵誰與同

贈張舉之比部

張嘗官姑孰愛其山川繪圖成書

幽棲長白違青瑣藜杖從閒不用扶乍見鬚眉似黃綺

劇憐懷抱向江湖家多別業開荒徑官愛青山作畫圖  
桑落更畱千石在松陰高枕一愁無

雪宮

青州

驅馬重來駐雪宮前賢陳蹟碧苔中空庭蔽日千章木  
畫棟凌虛大國風海畔青天晴靄隸雲門丹嶂曉玲瓏  
遲回憂樂當年意憑弔還應萬古同

雲門山

城南巒巘鬱龍嵒片石青瑩絕壁通滄海倒窺雲出入  
天門平過日西東衡王第宅荒榛內齊國山川返照中  
不用長吟苦搔首巖碑剝落已鴻濛

聞張譙明都諫備兵池太

時薛行屋宗伯還山  
許菊溪趙錦帆在外

愚山先生詩集

卷三十五

七言律

十

帝城才彥數梁園聯袂驚聞出國門滄海豈無知已在  
掖垣今少故人存從教補闕違青瑣自許看山勸綠樽  
供奉祠前應極目楓林秋月向誰論

灰埠驛

小驛茅亭晚更幽解衣樽酒重淹畱餘花何意叢叢發  
老樹當風浙浙秋入座客驚雙鵲起傍檐日落片雲流  
東來海氣涼如此野濶星稀迴自愁

懷許菊谿解官畱滯江南

鵲湖露白城烏啼雙鶴空庭東復西拙宦搖搖虛桂萼  
美人渺渺獨羈棲鄉關嵩洛愁中憶賓客鄒枚醉後題  
縱使抽簪原不惡菊花潭似浣花谿

管寧里

天下才名推管仲，幼安偏繫達人心。翛然穿樹無羸馬，率爾揮鋤竟古今。漢代風流多絕軌，海濱文物有徽音。艱難避地成高隱，故宅荒蕪不可尋。

過淮縣

城東孤竹祠，相傳夸齊避紂。處其北有坊曰文舉甘棠。

黃埃車馬片時閒，麥秀葵香解客顏。孤竹西山畱石碣，甘棠北海尚人間。天清絕壑泉流細，地古寒亭樹色殷。千載王孫淮水戰，浦沙漠漠鳥飛還。

鄭公鄉

東萊舊說鄭公鄉，文舉風流詎可忘。吾道竟東深，樹藉徵車不就亦輝光。猶餘故宅村墟遠，未息烽烟戰地荒。愚山先生詩集卷三十五 七言律 十一  
編簡微言漸疎濶，青青書帶爲誰長。

早起

早起東方明，太遲山雲傍。海碧垂垂心，驚豺虎縱橫。日身媿鴟鵬，偃息時親舊。音書那免謫，文章得失竟何知。漫言大國論才好，已促羈愁兩鬢絲。

午日東萊

照眼紅榴復紫葵，同心合坐各銜卮。沈沈海燕穿簾幙，淅淅山雲作雨絲。艾虎簪花兒女事，龍舟競渡醉遊時。離家十載思潦倒，嬾賦招魂續楚辭。

鄧萊州叔奇置酒望海亭

海氣孤城五月寒，使君樽酒故人懽。雕胡香飯炊雲子。

鮮鱸銀絲出玉盤  
筆札彤庭會視草  
旌旗荒嶠憶登壇  
祇今坐眺扶桑近  
萬里滄溟雲水看

登州遲朱山輝副使不至

使君建節臨關塞  
却喜東方千騎來  
坐擁珊瑚連枕席  
行看鮫蜃自樓臺  
人間苦厭風塵暗  
海上偏令懷抱開  
遲爾銜杯同作賦  
子瞻祠畔獨徘徊

寄題寧海州古松

東海人傳第一松  
垂天清影散芙蓉  
時聞鶴馭來三島  
宥羨霓旌駐六龍  
曲榦低枝白日暗  
垂藤盤石亂雲重  
何年神物能相見  
解帶臨風駐短筇

同高蒼巖進士夜集陸石齋

愚山先生詩集

卷三十五

七言律

三

黃菊紫菊當筵開  
同傾桑落漫停杯  
看君皎潔森玉樹  
况復儼騰金臺宛  
轉歌聲雞欲唱  
參差人影月初來  
平生懷抱向知己  
明日臨歧腸九迴

登署中臺有感

高臺截業出城根  
秋盡登臨落日昏  
朔氣倒翻滄海動  
浮雲不見泰山尊  
心傷詞賦徒多病  
夢想田園未敢言  
剩有衙齋栽菊滿  
醉來長嘯倚東軒

登四照樓有懷子翔阮懷諸舊游

春風憶昔桃初開  
倚檻同人共舉杯  
雅會當年連上巳  
清歌幾曲臨高臺  
江上渺渺浮雲去  
荷芰青青白鷺來  
七十二泉流不斷  
爲余愁思一縈迴

再登濟南白雪樓

飛蓋狂歌憶昔遊，振衣我輩復登樓。但憐極目傷秋色，不爲思鄉起客愁。日落寒烟連嶂遠，天高滄海入杯流。憑君莫問驚人句，消渴年來已白頭。

過臨清問謝茂秦故居不得

能詩處士舊知名，故里猶傳此地生。老臥清時半儒俠，狂來白眼向公卿。寒谿草閣荒烟沒，春岍桃花漲水平。擬賦招魂迷處所，滄浪惟聽棹歌聲。

雷別吳濟南秦巖

春城弱柳正芳菲，嶽色晴開送客歸。駐馬一樽當落日，使君雙淚忽沾衣。浮沈天地謀身拙，漂轉親朋見面稀。

愚山先生詩集

卷三十五

七言律

三

相顧驅馳猶未老，鄉心莫問故山薇。

袁卓濟送至任城同飲太白酒樓

袁罷官青州亦將歸矣

雲門送我到河干，匹馬千山暮雨寒。眼底春光渾欲盡，樓頭樽酒一相看。官貧舊愛懸魚好，客久重嗟彈鋏難。別去何人更攜手，故鄉猿鳥勸加餐。

舟行值劉潤伯北上

落帆飛蓋集江灣，入舫歡呼夕照間。笑索新詩娛客路，細論往事憶家山。雲昏河漢疎星沒，沙白汀洲宿鷺還。南北風烟正分手，釣綸何日共身閒。

亂後歸至白門

庚子

鯨鯢初散石城開，江畔人家半草萊。飲馬朝喧桃葉渡，

吹笳夜繞鳳凰臺青山不改六朝色斑駁重驚千里回  
但使謝公高臥穩敢同庾信漫悲哀

路斯湖聞盜警

艱難早歲苦思歸亂後蕭條萬事非不分鄉園連虎穴  
何時松竹靜漁磯經春絕雨田家泣累月徵兵信客稀  
翻幸官窮真到骨布帆無恙到荆扉

張蓬萊植允集敬亭

觸熱看山車馬稀涼風謾謾拂人衣人天碧篠日欲暮  
移樹黃鸝秋尚飛水漲平津連野市雲生陰岫濕僧扉  
當年吏隱臨滄海何事歸來早息機

山遊次和李龍沙郡丞

愚山先生詩集卷三十五

七言律

古

螺川居士心長閒解組時時見醉顏僦屋故臨窕谿水  
杖藜踏盡陵陽山花明一樹江城外天合諸峰雲霧間  
近郭晚晴歸騎穩松陰月出照君還

玉山寺同李龍沙梅淵公

突兀玉山谿水濱沿谿微路入松筠回岡客到看雲住  
深樹花畱過雨春蓮社風流容載酒香厨烏雀解呼人  
秋晴判盡登臨興柏枿麻姑杖策頻

二山名

赴大美酌同阮懷幼龍耦長

得意無如舊酒徒狂來爾汝醉相呼比鄰小徑從頻入  
自釀香醪官別沽浮世文章供老病多時松菊任荒蕪  
餘年檢校殘書好笑指雙溪當五湖

燕子磯和王阮亭

磯頭一望一含情，吳楚風帆入掌平。  
山寺樓臺衙岬出，江村烟火雜雲生。  
東南極目真天塹，鼓角連年動石城。  
今古銷沈餘釣艇，斷腸重聽暮潮聲。

送孫無言歸黃山

芒鞋何日踏丹梯，谷口烟深絕鼓鼙。  
舊種松林應繞屋，新開藥圃好臨溪。  
雲鋪海氣千山失，峰到蓮花白日低。  
只恐仙源長避地，尋君咫尺路將迷。

李兼山僉憲以予廬山諸詩刻石賦謝

琵琶亭上見廬山，憶昔層巒獨往還。  
漫倚醉歌題野寺，敢畱名字向人間。  
書來湓浦傳剗壁，石擬韓陵暫破顏。  
愚山先生詩集卷三十五七言律

五

虛藉李邕碑板重，此心惟共白雲閒。

邢關值許天玉至白闔

木落蕪城畫角哀，閩南遊子片帆來。  
抽琴倦擬參軍賦，對酒長懷杜甫臺。

先一歲同飲  
兖州杜甫臺

冬暖黃河水已合，歲殘

孤館鬢先催。敝裘短劍看君去，客路何人解惜才。

重過昭慶寺

湖上招提劫火殘，尚憐風物似長干。  
剏廟僧舍成都市，古殿花龕護戒壇。  
亂後笙歌蘭舫靜，春深陰雨竹樓寒。  
能詩支遁今零落，舊句塵封不忍看。

於李錦秋官舍識徐東癡處士

山人長臥舊山岑，垂老行歌愛武林。  
仙吏能畱徐穉榻，

海雲獨識魯連心  
繁花古樹官齋靜  
積雨春陰野寺深  
不到西湖那見面  
蘭舟桂楫守招尋

湖上酬會稽姜桐音

鑑湖重枉隔江書  
惆悵吳山暮  
雨初客舍經年鉛粟嬾  
海隅羈宦友朋疎  
賞音笛愛柯亭竹  
遁跡竿投巖瀨魚  
才力如君人側目  
雄文寧復待吹噓

送藍侍讀備兵閩中

按節鳴騶出帝京  
幔亭秋暮遠含情  
炎方綠樹霜中見  
水驛青山畫裏行  
海近戈船連絕島  
月明刁斗宿孤城  
王師此日資籌策  
草檄詞臣會請纓

愚山先生詩集

卷三十五

七言律

六

07222

施愚山先生學餘詩集卷之三十五終



